

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

🌐 www.diario.aw

2,00 FLORIN

CORTE

**Castigo combina
pa miembronan
di gang cu a
bringa na San
Nicolas**

DIASABRA AWOR!

WAREHOUSE % SALE

Great Deals Available!

Satex

DIASABRA AWOR!

Mei 9, 2026

LOCATION: SEROE BLANCO 8Y

9AM - 1PM

**Prome Minister Mike Eman ta representa Reino
Hulandes na Costa Rica**

**Aruba den encuentro cu presidente electo
di Costa Rica Laura Fernández Delgado**

ORANJESTAD (AAN): Durante su bishita oficial na Costa Rica, Prome Minister Mike Eman a comparti cu e agenda di encuentro ta bayendo di forma positivo, cu enfoca riba fortalece relacionnan bilateral y regional.



Un di e momentonan principal tabata encuentro cu presidente electo di Costa Rica, Laura Fernández Delgado, kende diabierna mainta lo ta instala oficialmente den cargo durante un ceremonia na Stadion Nacional di San José. Durante e ceremonia di instalacion, Aruba ta representa Reino Hulandes, reafirmando e lasonan diplomatico entre e regionnan.

Segun e Prome Minister, e encuentro cu presidente electo a permiti un intercambio importante di idea riba cooperacion entre Costa Rica, Aruba y Reino Hulandes.

“Nos ta trece un perspectiva unico como Reino, cu presencia tanto den Europa como den Caribe y Latino America,” el a indica.

E bishita na Costa Rica ta forma parti di un esfuerso mas amplio pa posiciona Aruba dentro di dialogo regional, fomentando colaboracion y intercambio cu paisnan bisiña, den Centro y Sur America.

Despues di 5 caso confirma riba barco crucero rumbo pa España

Organisacion Mundial di Salud a señala cu brote di hantavirus no ta marca inicio di un pandemia

** DVG: No tin motibo di preocupacion pa Aruba*

Compromiso cu comunidad:

Quota International of Aruba a haci entrega di donacion na diferente fundacion local

ORANJESTAD (AAN) E organizacion local di Quota International of Aruba a organiza su evento anual di donacion, unda cu a entrega fondo na diferente fundacionnan local cu ta haci un trabao extraordinario pa mehora bida di personanan den nos comunidad.

E momento special aki ta refleha e compromiso di Quota pa sirbi Aruba. Danki na e diferente actividadnan y evento di recaudacion di fondo cu Quota ta organiza durante aña, ta bira posibel pa sostene iniciativanan cu ta impacta positivamente bida di personanan den nos comunidad, especialmente esnan cu tin mas necesidad di apoyo.

E donacionnan a bay na organizacionnan cu ta traha den diferente area, manera di cuida pa mucha y famia, educacion, salud, conscientizacion social y sosten pa hende vulnerabel. Tambe fundacionnan cu ta dedica nan mes na sostene personanan cu dificultad di oido a ricibi apoyo, reforzando e compromiso di inclusividad den nos comunidad. Cada un di e fundacionnan



aki ta haci un diferencia real, y Quota ta honra di por contribui na nan mision.

Quota International of Aruba ta keda comprometi na sigui

traha pa nos comunidad, promoviendo solidaridad, compasion y accion positivo pa un futuro mihor pa tur hende na Aruba.

"Giselle"
Department Store

SITUA DEN PUEBLO DI NOORD
NOORD 55 A • Tel: 5867104

Ladies & Children Wear • Lingerie • Toys • Household Articles

SU ORARIO PA MOEDERDAG

DIABIERNA 8 DI MEI:
8:30AM TE CU 6:00PM

DIASABRA 9 DI MEI:
9:00AM TE CU 6:00PM

Feliz Dia di Mama



Robert a cumpra ticket na diferente rebendedor y gana 150 mil Florin cu Zodiac



ORANJESTAD (AAN): E wegá di Zodiac ta uno cu bo ta djis escoge un number consistiendo di cuatro cifra, y bo ta agrega un signo zodiacal. Despues bo ta escoge cuanto suma di placa bo ta 'bet', sea di 50 cen, 1 Florin, etc., sigui bay te 25 Florin.

Robert a escoge su number cu su signo, y cumpra esaki cerca diferente rebendedor y a bet cierto cantidad di placa. El a bira feliz pa mira cu su number a sali.

Pesey riba Diahuebs mes el a acudi na oficina di Lotto pa reclama su premio. Aki e funcionaria a revisa su ticketnan y ora di scan e barcode, e computer a confirma cu Robert a gana 150.000 Florin cu sorteo di Zodiac.

Mesora a sigui cu e proceso pa transferi e premio electronicamente pa su cuenta di banco. Robert a indica cu e ticketnan ganador el a cumpra na Sunshine Lottery, Happy Day Lottery, y Lucky Dragon 2.

landsloterij.org

26 04

PLANTA, GANA Y COSECHÁ.

CADA SIMIYA CU BO PLANTA POR BIRA UN GRAN COSECHA.

9 DI APRIL 2026

LANDSLOTERIJ
AT'ABO SA!

GANA AWG 500.000

2 AWG 100.000 3 AWG 50.000

Prijs pa briedi
Henter AWG 80,-
Pida AWG 8,-



SEE EVERY MATCH, IN FULL DEFINITION.

SAVE AWG 401

75" 4K
TCL GOOGLE QLED SMART TV FLAT 75P8KA-A
NOW AWG 1499.00
AWG.152 MTHLY
WAS AWG.1899.99

SAVE AWG 201

65" 4K
TCL GOOGLE QLED SMART TV FLAT 65P8KA
NOW AWG 1099.00
AWG.107 MTHLY
WAS AWG.1299.99

SAVE AWG 401

75" 4K
SAMSUNG LED SMART TV FLAT UN75U8000FPXPA
NOW AWG 1799.00
AWG.179 MTHLY
WAS AWG.2199.99

SAVE AWG 351

58" 4K
SAMSUNG UHD SMART TV FLAT UN58U8000FPXPA
NOW AWG 999.00
AWG.109 MTHLY
WAS AWG.1349.99

SAVE AWG 201

50" 4K
SAMSUNG LED SMART TV FLAT UN50U8000FFXZA
NOW AWG 899.00
AWG.89 MTHLY
WAS AWG.1099.99

SAVE AWG 101

LG 2.1 CHANNEL SOUND BAR S40TDPANLLK
NOW AWG 449.00
AWG.45 MTHLY
WAS AWG 549.99

SAVE AWG 81

LG PORTABLE XBOOM SPEAKER BOUNCE
NOW AWG 319.00
AWG.32 MTHLY
WAS AWG 399.99

SAVE AWG 301

JBL PARTY BOX 520 3120FA
NOW AWG 1199.00
AWG.120 MTHLY
WAS AWG 1499.99

2 FREE INSTALLMENTS AND FREE DELIVERY WITH CREDIT PURCHASE

PROMOTION VALID MAY 1ST - 31ST, 2026. CONDITIONS APPLY.

569-2407
AMC EAGLE MEGASTORE

HORARIO: 9am - 6pm DIALUNA PA DIASABRA



Despues di 5 caso confirma riba barco crucero rumbo pa Spaña

Organisacion Mundial di Salud a señala cu brote di hantavirus no ta marca inicio di un pandemia

ORANJESTAD (AAN): Organisacion Mundial di Salud (WHO) a declara diahuebs cu e brote di hantavirus detecta riba un barco crucero no ta indica inicio di un pandemia.

“Mi kier ta sin duda tocante esaki: esaki no ta SARS-CoV-2. Esaki no ta e comienso di un pandemia manera COVID-19. Esaki ta un brote cu nos ta observa riba un barco,” segun Maria van Kerkhove, Director di Prevencion y Preparacion di Epidemia y Pandemia di WHO.

“Esaki no ta COVID, esaki no ta influenza; e ta plama na un manera hopi, hopi diferente,” el a agrega.

Autoridadnan di salud ta investigando activamente un brote di hantavirus detecta entre pasaheronan riba un barco crucero cu a sali dia 1 di april procedente di Ushuaia (Argentina).

Tres persona abordo di e barco Hulandes MV Hondius a fayece desde cu e crucero a

cuminsa cu su biahe.

E barco ta rumbo pa Islan Canario, Spaña.

Director General di WHO, Tedros Ghebreyesus, a indica den e mesun conferencia di prensa cu investigacionnan riba e brote ainda ta andando.

Tedros a specifica cu cinco caso di hantavirus a wordo confirma en conexion cu e barco crucero, pero por surgi mas debi na e periodo di incubacion di seis siman di e virus.

Contact tracing ta tumando lugar den varios pais pa pasaheronan cu a bandona e barco prome cu e brote a wordo detecta, incluyendo Reino Uni, Suisa y Hulanda.

Hantavirus ta un grupo di mas cu 20 especie di virus, transmiti principalmente pa raton pa medio di inhala particularnan presente den e orina, af of saliva di e ratonnan.

-Turismo den areanan cu contagio

Tedros Ghebreyesus a splica



cu e prome dos casonan detecta “a biaha pa Argentina, Chile y Uruguay riba un biahe pa observa parhanan, cu a inclui bishita na lugarnan unda e especie di raton conoci pa carga e virus tabata presente.”

El a bisa cu WHO ta trahando hunto cu autoridadnan Argentino pa determina movicionnan di e pareha.

Tedros a señala cu den brotenan anterior, transmision di hende pa hende solamente a sosode pa medio di contacto prolonga, loke, el a bisa, tabata loke a sosode den e caso aki.

El a indica cu ora un homber a desaroya sintoma abordo di e barco dia 9 di april, no tabata sospecha hantavirus, pues no a tuma muestra e momento ey.

E señora di e homber a baha ora cu e barco crucero a mara na St. Helena y despues a fayece na Johannesburg, Sur



Africa.

Tedros a confirma cu muestrean tuma na Sur Africa a confirma cu tabata hantavirus.

-Riesgo abao pa hende

Tedros a bisa cu WHO ta na altura di informenan tocante otro personanan cu sintoma cu por tabatin contacto cu e pasaheronan, y cu nan ta den contacto cu e autoridadnan concerni.

El a splica cu, mirando e periodo di incubacion di te cu seis siman pa e malesa aki, ta posibel cu lo detecta mas caso.

E tambe a aclara cu a pesar di esaki, y a pesar di ta un malesa serio, WHO “ta evalua e riesgo pa salud publico como abao.”

Te cu diahuebs mainta, ocho caso a wordo reporta, pero solamente cinco a wordo confirma.

Anaïs Legand, un experto tecnico di WHO, a indica cu

loke ta haci e brote aki “altamente inusual” ta e transmision di e virus entre personanan abordo di un barco.

El a señala cu e ta un “ambiente hopi specifico” y cu e ta e “prome caso documenta te awo cu e virus particular aki.”

Pa loke ta e situacion riba e barco, Tedros a bisa cu a pidi tur pasahero pa keda den nan cabina y a wordo instrui pa inmediatamente auto-isola si nan desaroya sintoma.

E director general di WHO a revela cu dialuna el a pidi Prome Minister di Spaña, Pedro Sánchez, pa permiti e barco dreña e haf y a gradici’e pa bay di acuerdo. “Nos ta confia den e capacidad di Spaña pa maneha e riesgo aki y ta brindando nan nos apoyo”, el a señala.

Tedros a declara cu WHO a evalua e riesgo cu e virus ta representa pa e poblacion di Islan Canario como abao.

DVG ta tranquiliza comunidad

No tin motibo di preocupacion pa Aruba relaciona cu hantavirus

ORANJESTAD (AAN): Directie Volksgezondheid (DVG) ta informa comunidad cu actualmente no tin ningun motibo di preocupacion pa Aruba relaciona cu hantavirus.

Hantavirus no ta un virus nobo. E virus aki ta conoci den sector medico internacional pa hopi aña. Recientemente a keda raporta na World Health Organization (WHO) algun caso abordo di e cruise MV Hondius, loke a haci cu hopi informacion y preocupacion a cuminsa circula riba red social y otro plataformanan.

DVG ta informa cu pa Aruba no tin ningun menaza directo, e barco ta ubica leu for di Aruba y autoridadnan competente ta sigui monitor e situacion y ta eherciando nan investigacion.

Hantavirus ta un zoonosis cu por wordo transmiti di animal pa hende door di contacto cu orina, feces of saliva di cierto tipo di animal rastroero manera raton infecta. Den mayoria di caso, e virus no ta transmiti facil di persona pa persona.



Actualmente no tin ningun caso registra na Aruba y animalnan rastroero manera raton y djaca na Aruba no tin e virus aki.

Directie Volksgezondheid ta sigui monitor constantemente tur desaroyo internacional y regional cu por tin impacto riba salud publico di Aruba manera e aumento di casonan di Keintura Geel, Chikungunya y Sarampi den diferente pais den region.

DVG ta trahando constantemente riba plannan di contingencia pa por responde liher si Aruba confronta algun situacion similar.

Pa loke ta hantavirus, comunidad por keda trankilo. Cu DVG ta monitor, sigui tur desaroyo y midi tur factor di riesgo relevante pa cu salud publico pa por proteha e bienestar di pueblo di Aruba.

Awe ta bo oportunidad di gana 1.4 miyon cu Mini Mega y Mega Plus

ORANJESTAD (AAN): Diamars anochi e resultado di Mini Mega a ser conoci, unda cu e numbernan cu a sali tabata 06-08-09-18 y Mega Ball: 10 y no tabata tin ganador pa e prome premio. Segundo premio a conoce un total di 2 ganado cu tabata tin e 4 numbernan bon, pero sin e Mega Ball. Ticketnan ganado a wordo bendi na Super Food y Oficina di Lotto Oranjestad. Cada un ganado di 2do premio a gana e suma di 22.487 Florin. Si tin un ganado awe nochi, e lo bira e tercer miyonario pa aña 2026!

E prome miyonario di 2026 tabata na Februari cu a gana e suma di 1.750.000 Florin y e ticket ganado a wordo bendi na Lucky Cher-Ann 2. E segundo miyonario a gana solamente e jackpot di Mini Mega cu e bunita suma di 1.300.000 Florin y e ticket ganado a wordo bendi na RS Lottery.



Awe Diabierna 8 di mei 2026, Mini Mega su jackpot ta na 400 mil Florin y cu 2 Florin mas, bo por gana e jackpot di 1 miyon Florin extra cu ta pone e suma bira un total di 1 miyon 400 mil Florin! Bo no tin bo cuenta di Lotto Online ainda? Bay riba play.lottoaruba.com y

registra pa asina bo por cumpra bo Lotto Online.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Corsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organiza loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Mientras cu dos a wordo declara liber

Castigo combina pa miembronan di gang cu a bringa na San Nicolas



ORANJESTAD (AAN): Diahuebs mainta Hues a trata e caso penal contra 5 persona, kendenan ta wordo sospecha di ta forma parti di un gang na San Nicolas. Di e 5 personanan, solamente uno a presentá. Hues a declara tres di e sospechosonan liber y a condena 2 na castigo combina.

Un sospechoso so den Corte: E acusacion cu tin ta contra e hombernan S.R., J.M., J.E.M.L., C.G. y G.D.M., kendenan ta wordo acusa cu riba 15 Februari 2025, nan a maltrata un homber C. door di dal e y scop e na su curpa y cabez. Ta asina cu solamente J.M. a presenta.

Abogado mr. Shোকander a presenta y a pidi Hues pa pospone e caso pa asina por contact e otroonan. Hues a

cuestiona cu e abogado a tarda hopi promer cu a busca contacto cu e sospechosonan y Hues no ta mira motibo pa pospone e caso. Hues a muestra e abogado cu Corte di Husticia y Ministerio Publico ta haci un planning completo pa trata caso y no por ta posibel cu no a contact tur e sospechosonan na tempo. Hues a bisa cu Griffier a muestra cu S.R. no a haya e citacion na su adress. Esey tabata motibo pa Hues a pospone su caso. E otro casonan si a sigui sin cu e otroonan no a presenta.

Pelea na Jouvert Morning: Hues a muestra cu segun e report di Polis, nan a bay 6'or di mainta banda di un snack na San Nicolas, caminda tabatin un pelea di gang. A resulta cu e gang di Cayenastraat lo a

bati e homber C. di e gang di Village. Segun J.M. el a bay pa para e pelea. El a bisa cu e tabata kita hendenan for di otro. Hues a muestra cu Polis a mira cu J.M. y un otro a dal C. y despues e gang a scop C. Tambe tabatin un otro persona na cu tambe a wordo maltrata pero e no a haci denuncia.

Hues a muestra cu e victima C. a bisa cu J.M., J.E.M.L. y K. a dal'e. Ta asina cu J.M. ta para riba cu e no a bringa. Hues a menciona diferente otro persona cu a menciona cu J.M. tambe tabata involvi. Hues a bisa cu J.E.M.L. y C.G. a admiti pero G.D.M. a nenga. Hues a bisa cu G.D.M. a declara cu e tabata trahando. Pero tin otro ta bisa cu G.D.M. tabata involvi.

Hues a bisa cu despues di e pelea aki tabatin un tiramento na un otro lugar.

Pakico pelea di gang y tiramento: Hues a remarca cu e kier sa pakico tabatin pelea di gang y pakico tiramento. Pakico ta forma un gang. J.M. a bisa Hues cu en realidad no ta un gang sino mas bien ta un famia ta biba den Cayenastraat. Hues a hala J.M. su



atencion pa no ple kens y sea ta duna contesta of keda keto. J.M. a bisa Hues cu esnan hoben hopi biaha tin problema cu otro y e problema ta cuminsa na school caminda nan ta topa otro.

Hues ta haya cu esaki ta sin sentido. J.M. a bisa cu e tabata forma parti di e gang pero el a sali y a cambia su bida. Awor e tin trabao y tin famia. Hues a bisa cu J.E.L.M. no tin trabao y tin carchi castigo cu atraco cu violencia na 2021. C.G. tambe ta sin trabao y tin un caso intento di mata.

Fiscal: Fiscal a bisa Hues cu e ta haya cu riba 15 Februari 2025 tabatin e pelea y cu J.M. tabata involvi. Na opinion di Fiscal, tin declaracion di S.R. y dos agente di Polis cu a mira J.M. tabata involvi den e pelea. E agentenan a bisa cu nan a mira cu J.M. y otroonan a rondona C. y a maltrat'e. Fiscal ta haya tur e 5 sospechosonan ta culpabel. Fiscal a remarca cu tabatin problema di gang cu ta bringa cu otro y despues tabatin tiramento. Esaki net ora di Jouvert Morning.

Fiscal a sigui bisa cu pa cu e castigo, e ta tene cuenta cu J.M. ta promer biaha cu e ta cay den man di husticia. El a sigui bisa cu tur e otroonan, cu excepcion di S.R. tin carchi di castigo. Fiscal a bisa cu no ta conoci kico ta e heridanan cu C. a sufri. Fiscal a exigi pa J.M., 3 luna di prizon di cual 78 dia ta condicional cu 2 aña di prueba. Tambe Fiscal a exigi 120 ora di trabao pa comunidad pa J.M. Pa e otroonan, Fiscal a exigi 4 luna di prizon di cual 108 dia ta condicional

cu 2 aña di prueba y 200 ora di trabao pa comunidad.

Abogado: Defensor mr. Shোকander a bisa Hues cu J.M. tabata na e pelea pero e no a bringa sino a kita esnan cu tabata bringa for di otro. Abogado a bisa cu J.M. tin curpa grandi y si el a dal C., lo tabatin dañonan hopi mas serio. E abogado ta haya cu no tin indicacion specifico cu J.M. a bringa. El a remarca cu hendenan a mir'e eyan.

E abogado a bisa cu J.M. tin un trabao y tin un famia. El a pidi Hues pa declara J.M. liber. E abogado a representa C.G. tambe y a bisa cu C.G. awor tin un trabao y no ta mete den gang mas. E abogado no ta haya na su lugar pa bolbe sera C.G. y causa cu e lo perde trabao.

Sentencia: Hues a sera tratamiento di e caso y a dicta sentencia di biaha. Hues a muestra cu C.G. y J.E.M.L. a admiti pero G.D.M. a bisa cu e no tabata eyan y a muestra cu e no tabata eyan. Hues a declara G.D.M. liber. Hues a bisa cu e caso di J.M. ta complica. Polis ta bisa cu a mira J.M. pero J.M. ta bisa cu e tabata eyan pero tabata kita e hendenan for di otro.

Hues ta haya cu tin duda si realmente J.M. a dal C. Na opinion di Hues, e declaracion di e agentenan di Polis no ta suficiente detaya. Hues a declara J.M. liber.

Hues a condena C.G. y J.E.M.L. na 102 dia di prizon, kitando e 12 dia cu nan tabata sera. E 90 dianan ta bira condicional cu un tempo di prueba di 3 aña.

Regalo special pa Dia di Mama!!!

ARUBIANO marca local cu limited edition di pechi pa 'World Cup 2026'

Cantidad ta limita!



Arubiano \nan ta conoci pa ta fanatico di futbol y pa cada 4 aña celebra e temporada di Mundial en grandi. Ta bira un temporada di fanaticada, di apoyo y di reunion cu famia, amistad y colega pa apoya nan ekipo favorito.

Entre e favoritonan ta BRAZIL, HULANDA, COLOMBIA, ARGENTINA y e biaha aki mas cu claro, nos hermana isla CORSOU!

Mirando e orguyo cu Corsou a trece pa nos tur, e marca ARUBIANO, conoci pa e pechinan patriotico, pa nature awareness y pa animal rights- e biaha aki kier apoya Corsou cu un diseño special pa WorldCup 2026.

“Como Arubiano nos tur ta carga e orguyo y ta apoya Corsou masalmente.”

P'esey nan trece e diseño special, y ta presenta pa DIA DI MAMA.

Como Arubiano, cumpra di bo- muestra bo apoyo- sea ta na Aruba, of si bo ta bay wak e



partido di Corsou - Alemania na Houston, Texas. Hiba bo pechi ARUBIANO cu su bandera! E ta riba mercado, special pa Dia di Mama. Regala e mama fanatico su pechi Arubiano. “MAMA WAK”

ARUBIANO Brand

edicion MUNDIAL 2026

- regalo special pa Dia di Mama!!!

Busca dibo na

Vice Versa
Drogist
Superfood

Cantidad ta limita!



Follow nos Facebook y Instagram ARUBIANO!

Weekly SPECIALS

08 MAY - 14 MAY'26



Per KG
f7.99
Normal Price

Per KG
f5.99
Special Price

LIMES



Each
f14.99
Normal Price

Each
f12.99
Special Price

**WATERMELON
SEEDLESS**



Per KG
f5.99
Normal Price

Per KG
f3.99
Special Price

ONIONS YELLOW



Each
f15.59
Normal Price

Each
f12.99
Special Price

**LEKKER & ANDERS KIP KEBAB
600G**



Each
f33.79
Normal Price

Each
f31.29
Special Price

**GREENSHELL MUSSEL ON THE 1/2
SHELL NZ 2LBS**



Each
f15.39
Normal Price

Each
f14.09
Special Price

KING SQUID TUBES U-10



Per KG
f55.99
Normal Price

Per KG
f49.99
Special Price

**BLACK ANGUS TOP SIRLOIN
STEAK BRAZIL**



Per KG
f14.99
Normal Price

Per KG
f10.99
Special Price

**U.S. BONELESS PORK
SIRLOIN/FRICANDEAU**



Per KG
f15.49
Normal Price

Per KG
f12.99
Special Price

BBQ/GRILL CHICKEN CUTLET

*Promocion ta valido desde 08 di mei pa 14 di mei 2026 y tanten cu tin den stock.

**SUPER
Do it Center®**

Titula 'Shifting Gears and Accelerating Our Path Forward'

Aruba Airport Authority a saca nan Relato Anual 2025



ORANJESTAD (AAN): Aruba Airport Authority N.V. (AAA) ta orguyoso pa anuncia e publicacion di su Relato Anual pa aña 2025, resaltando un aña defini pa transicion cu proposito, eheucion disciplina y progreso acelera pa metanan strategico a largo plaso.

Bao di e nomber "Shifting Gears – Accelerating Our Path Forward" e rapport di aña 2025 ta refleha e compromiso continuo di AAA cu excelencia operacional, sostenibilidad y pa fortalece su rol como e impulsor clave di economia y conectividad di Aruba. Na aña 2025, AAA a atende cu un periodo di transicion di liderazgo, manteniendo un desempeño operativo solido y impulsando un desaroyo fundamental di infraestructura. E organizacion a mantene enfoca riba su vision a largo plaso pa bira un di e aeropuertonan mas sostenibel, sigur y cla pa

futuro den e region di Latino America y Caribe.

E rapport ta delinea progreso den e prioridatnan strategico di AAA, incluyendo desaroyo organizatorio, calidad di servicio, innovacion y sostenibilidad. Mientras cu e aumento den demanda di pasahero y presionnan continuo di infraestructura a presenta retonan operacional, e apertura di Gateway 2030 Fase 1A a aporta na mehoracionnan den fluho di pasahero, particularmente p'e biaheronan cu ta bayendo Merca, mientras cu AAA ta sigui fortalece su basenan regulatorio y operacional.

E puntonan clave di aña 2025 ta inclui: (*) Mas cu 3.4 milyon pasahero a biaha for di Aeropuerto AUA, resaltando e alcance di su operacionnan y e calidad di su serviccionan. (*) Finalisacion exitoso y lansamento operacional di Gateway 2030



Fase 1A, incluyendo un sala nobo di check-in y sistema avansa di maneho di maleta. (*) Aceleracion di Gateway 2030 Fase 1B y preparacion pa Fase 2, locual ta contribui na expansion y modernisacion di capacidad a largo plaso. Tambe tin: (*) Satisfaccion di e pasahero a mantene fuerte, cu puntuacionnan alcansando 4.12 y nivel di satisfaccion di 3.99 (riba un escala di 5 punto). (*) Crecimiento continuo den conectividad aereo y asociacion di companianan di aviacion, reenforando e posicion di Aruba como un porta regional clave. Retonan clave cu a atende na aña 2025 ta: (*) Maneho di aumento di volumen di pasahero memey di limitacionnan den infraestructura. (*) Respalda transicion di liderazgo y fortalece e estructuranan di liderazgo. (*)

Atende cu e rekisitonan di certificacion "aerodrome", resultando den certificacion di 1 aña mientras ta haci algun ahustacion.

Ademas AAA a tuma pasonan significativo pa sostenibilidad, incluyendo e introduccion di un Environmental Management System (EMS) y progreso continuo bou di e standardnan internacional, reenforando su compromiso cu operacionnan responsabel di aeropuerto y proteccion di nos medio ambiente. James Fazio, CEO Interino di AAA, a menciona den e Relato Anual 2025: "Aña 2025 tabata un aña di transicion y impulso. A pesar di cambionan di liderazgo y demandanan operacional creciente, nos a mantene nos mes enfoca riba logro progreso. Nos logronan ta refleha e dedicacion di nos

team y partnernan y ta posiciona AAA strategicamente pa futuro mientras cu nos ta acelera Gateway 2030 y ta fortalece nos resiliencia operacional y financiero."

Iniciando januari 2026, AAA a yama bonbini na su CEO nobo; Jonny Andersen, demostrando un fase nobo di estabilidad di liderazgo y claridad strategico pa e organizacion. AAA ta invita tur stakeholder, partner y comunidad en general pa mira e Relato Anual 2025 cu ta disponibel na e website aki: www.bit.ly/aaarelato

Ademas di e Relato Anual, AAA ta sigui avansa su iniciativanan di Environmental, Social, and Governance (ESG) y Corporate Social Responsibility (CSR), aportando na desaroyo sostenibel y compromiso cu e comunidad di Aruba.

BEKENDMAKING

Annulering tot nader order van de vergadering van Exploitatie Mij. Erven Adriaan Lacle N.V. van 18 mei 2026



**Oduber's
Golden Palace
& Boutique N.V.**
Cumana 71 • Tel: 583-2731



*Special pa
Dia di Mama*

25%

DI DESC. RIBA TUR
MERCANCIANAN DI ORO, PLATA,
ENCHAPA, STEEL Y HOLOSHI.

30%

SI E COMPRA A JEGA
AWG 1000.00 OF MAS .

TAMBE NOS TA HACI REPARACION DI ORO Y
PLATA, CAMBIA BATERIA PA HOLOSHI Y HACI
BANCHI HOLOSHI CHIQUITO .

ORARIO DI 11 AM PA 6 PM • NOS TA SITUA NET DE ROTONDE NA CUMANA

E mihor conseheronan di Aruba a briya den evento di Premionan Anual di Sagicor

ORANJESTAD (AAN): Informacion for di Trinidad & Tobago, a muestra cu den Hyatt Regency Trinidad & Tobago, a tuma lugar e tan anticipa Ceremonia Anual di Premio di e compania Sagicor, y e biaha aki a uza e tema poderoso 'Legacy Amplified'. E anochi special a reuni e top conseheronan, lider y miembronan di ekipo cu a duna mihor prestacion for di Aruba y Trinidad & Tobago, pa un celebracion cu a honra tanto e compromiso duradero como tambe e prestacion excepcional durante 2025.

A haci entrega di premio na e miembronan di ekipo di e liñanan di negoshi di e compania financiero na Aruba y Trinidad & Tobago, cu e ekipo di Aruba lidera orguyosamente pa e gerente general Randall Croes, y e ekipo di benta lidera pa gerente di benta Sonja Velthuizen.

E anochi di celebracion a cuminsa cu un sincero homenage na e etapa di hopi aña di servicio di e President y CEO



di Sagicor Life Inc., Robert Trestrail, kende a rindi homenage na personanan cu a cumpli 20, 25, y 30 aña di servicio den e organizacion.

Despues di cena, e focus a bay riba esnan cu a sobresali den prestacion. Aki e Chief Revenue Officer Paul Inniss y Vice-President di Benta, Jacinto Martinez a presenta premio reconociendo esnan cu a destaca mas den produccion y captamento.

Mientras cu e evento aki, e premionan a wordo entrega na e reconocementonan mas prestigioso di e organizacion. E honornan final aki a encapsula e esencia di "Legacy



Amplified", celebrando e individuonan di cual nan prestacion no tabata djis sobresaliente, pero a eleva henter e organizacion. Esaki ta e lista di e principal ganadornan di e anochi:

(*) 'Club di Honor' a bay pa Natalia Marquez-Hidalgo, Shameeza van Loon, Fatima Bernier, y Leila Faustin.

(*) 'Mihor Agente den Ingreso pa Primanan Netto Anualiza y Comisionnan Netto Anualiza': Gregory Lyder.

(*) 'Mihor Agente den Persistencia': Leila Faustin.

(*) 'Consehero di Aña': Shameeza van Loon.

Premionan Anual 2026



a sirbi como un recordatorio poderoso cu e legado di Sagicor no ta statico, sino cu e ta wordo construi continuamente, expande, y ta wordo amplia door di e personanan cu ta carga su balornan cada dia. Riba potretnan por mira Shameeza van Loon, kende ta e top overall producer na Aruba pa 2025, na momento cu e ta ricibiendo su premio di Robert Trestrail, president y CEO di Sagicor. Tambe

por mira Nathalia Hidalgo-Martinez, ta pose cu Jacinto Martinez, kende ta Vice-President di Benta pa Sagicor Life Insurance TT, ora cu e ta ricibi su premio pa produccion na e Sagicor Annual Awards. Tambe por mira momento cu Leila Faustin ta ricibi su premio pa 'Leading Producer - Persistency' for di man di Paul Inniss, kende ta Chief Revenue Officer di Sagicor Life Southern Caribbean.

SUPER SHOPPING



50% OFF

~ All shoes & footwear for children, men & women
(pariba di awg. 10,-)

50% OFF

~ All clothing for men & women
~ All baby & children's clothing
(pariba di awg. 10,-)

~ All curtains
~ All comforters
~ All bedsheets
~ All Towels
~ All Mats

25% OFF

~ All Kitchen items
(non electrical)
~ All home items
~ All Car Accessories
~ All Toys
~ All Jeans

Happy Mother's Day

Casonan Penal pa wordo trata den Corte di Husticia na Aruba

Casonan di Diabierna 8 Mei 2026



Horario	Sospechoso	Acto Castigabel
8:15 am	J.B.	Hues lo dicta sentencia den su caso.
8:15 am	A.N.B.	Hues lo dicta sentencia den su caso.
8:15 am	D.A.C.O.	Hues lo dicta sentencia den su caso.
8:30 am	S.J.S.	Sospechoso S. ta wordo acusa di violacion di un persona menor di edad den e periodo di 27 pa 28 di Februari 2025.
10:30 am	J.L.P.	Sospechoso P. ta wordo acusa di posesion di un arma di candela y di a bende cocaina den e periodo di prome di Juni 2024 te 2 di December 2025.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diabierna 8 Mei 2026 den

Sala di Corte di Husticia na Aruba. E informacion aki a wordo suministra door di Ministerio Publico.

Señora Swinda Dumfries di DVG: 'Siman Saludabel' ta reenforza e bienestar mental, social y emocional di tur mucha di scol



ORANJESTAD (AAN): Scol Saludabel Aruba ta un programa integral cu ta promove salud y bienestar den scolnan di Aruba. E iniciativa ta enfoca riba alimentacion saludabel, movimiento, salud mental, salud social y emocional, y un ambiente sigur pa tur mucha. Door di educacion y colaboracion, e programa ta yuda scolnan forma muchanan pa nan crece mas fuerte, feliz y consciente.

Parti di Scol Saludabel ta e iniciativa 'Siman Saludabel', na unda cu ta trata diferente tema manera alimentacion saludabel, deporte, movimiento, bienestar social y emocional, seguridad, naturalesa y medio ambiente.

Señora Swinda Dumfries di DVG, den un entrevista cu DIARIO, a splica cu durante e siman cu a pasa, nan a scoge pa pone enfasis riba salud mental di muchanan cu e tema 'Forsa Mental y Progreso Mental'. Scolnan participante por uza a e temanan menciona pa organiza diferente actividadnan cu tin como meta pa reenforza e bienestar mental, social y emocional di tur mucha.

Señora Dumfries a enfatisa cu e base di salud y bienestar fisico y mental di un persona ta hopi importante. Segun e, ora muchanan ta siña for di edad hoben con pa biba saludabel, move suficiente, come bon, trata otro cu respet y maneha emocionnan, y nan ta wordo guia y motiva den esakinan, nan tin un mihor oportunidad pa crece bon. Na esaki, mayornan, scolnan, trahadonan social, IBiSA, Gobierno y comunidad en general, tur por contribui pa forma muchanan saludabel y, como resultado, un Aruba mas saludabel.

MINI MEGA MEGA PLUS

Cumpra bo Mini Mega y cu **Afl. 2,-** mas, bo por gana e jackpot di

AFL 1.400.000,-

Con? **Afl 5**

Afl. 400.000,-

ARUBA 1987 1 FLORIN

ARUBA 1987 1 FLORIN

Extra!

Afl. 1.000.000,-

www.lottoaruba.com

lotto

Pa mas informacion yama 525-7555 of bishita nos website lottoaruba.com



OPROEPING:

De griffier van het Gerecht in Eerste Aanleg van Aruba roept hierbij op:

- VILLA CASTRILLON, Paola Andrea

om op **dinsdag, 18 augustus 2026 om 08:30 uur** voor de rechter in het Gerechtsgebouw in Aruba te verschijnen, voor **de mondelinge behandeling** in verband met een door CASTRILLON AGUDELO, Adriana Lucia ingediend Voogdijzakenverzoek AUA202601179 EJ.

De Griffier van het Gerecht in Eerste Aanleg Aruba, D.A. Wieffering

Iberostar a reforsa su compromiso cu Medio Ambiente pa temporada di Turtuga Marino

ORANJESTAD (AAN): Iberostar Hotels & Resorts ta sigui reforsa su compromiso cu e proteccion di medio ambiente pa medio di iniciativanan enfoca riba e ecosistemanan di costa na Eagle Beach, cu un enfoca special riba conservacion di turtuga marino.

Como parti di e esfuersonan aki, miembronan di e ekipo di Iberostar ta participa recientemente den un sesion di entrenamiento specialisa, coordina pa TurtugAruba, tocante concientisacion y conservacion di turtuga marino. Iberostar ta agradecido pa e conocimiento valioso comparti, local ta prepara e personal pa informa y guia huespednan mihor riba con pa observa y proteha turtuganan marino di un manera responsabel durante nan bishita na e isla, y tambe kico ta e pasonan necesario pa tuma ora ta topa cu un turtuga.

E entrenamiento aki ta duna e personal e conocimiento pa guia huespednan tocante e diferente especienan manera e Driekiel (Leatherback), Karet (Hawksbill), e Turtuga Blanco (Green sea turtle), y e

Cahuet (Loggerhead). Tambe e entrenamiento ta reforsa e importancia di apoya e proceso di broei di turtuga pa medio di practicanan manera e kitamento di stoel y material di beach tur anochi y e uzo di luz cu ta amigabel pa naturalesa, uzo di luz abou, y mantene esakinan tapa.

Cu e temporada di broei di turtuga marino den porta, Iberostar ta brinda sosten na e importancia di comporta di un manera responsabel riba e beachnan di Aruba. Parkeer of core auto riba santo, mescos cu para den areanan di neishi, por tin un impacto serio riba e habitatnan fragil aki y por stroba e actividad di broei. Ta urgi tur huesped y bishitante di e beach pa keda atento, evita di core auto riba beach, y respeta e medio ambiente natural durante e periodo critico aki.

Turtuganan marino ta un parti vital di e ecosistema marino di Aruba. Especienan manera e Driekiel, cu ta broei riba e costanan di e isla, por crece te cu 2 meter di largo y pisa te cu un tonelada. E temporada di broei ta core di maart



pa september, cu e hatchlings (turtuga baby) saliendo for di neishi entre mei y november. Considerando cu solamente 1 di cada 1,000 hatchlings ta yega edad adulto, proteccion di e especienan aki ta esencial.

Ta pidi bishitantenan pa mantene un distancia safe, evita luznan fuerte, keda tranquil, y nunca interferi cu e turtuganan ora nan ta broei

of cu nan habitat. Iberostar ta enfatisa tambe na su personal y huespednan e importancia di respeta e barricadanan y areanan di neishi marca, cualnan ta esencial pa proteha tanto e turtuganan como nan webo-

nan. Iberostar Hotels & Resorts tin un compromiso di hopi tempo cu turismo responsabel, formando parti di un grupo cu mas di 70 aña di experiencia

den e sector di biahe y un enfoca fuerte riba cuida ambiental. Desde e lansamento di e movimiento Iberostar Wave of Change na 2017, e compania a traha activamente pa proteha ecosistemanan costal y biodiversidad marino pa medio di iniciativanan basa riba ciencia y aliansanan local. Esaki ta inclui apoyo na programanan dedica na conservacion di turtuga marino, manera e aliansa di hopi aña entre Iberostar y Proyecto TAMAR na Brazil, cu lo celebra su di 20 aniversario na 2026.


Pa medio di e esfuersonan aki, Iberostar ta contribui na e proteccion di e habitatnan di broei y ta lanta concientisacion riba e importancia di preserva bida marino. E compromiso a largo plaso aki ta refleha e vision amplio di e compania pa crea un impacto positivo riba e salud di oceano y inspira tanto huespednan como comunidannan pa bira guardiannan activo di naturalesa.

Pa Dialuna 11 di mei, atardi 6'or:

Director di OABA ta invita pueblo pa ta presente na EPB-HATO pa un anochi di informacion

ORANJESTAD (AAN)-- Durante su entrevista cu Matutino DIARIO, señor Carlos Martinus, director di OABA (Openbaar Avond Beroepsonderwijs Aruba), a extende un invitacion na pueblo en general, pa dialuna 11 di mei, pa 6'or di atardi, ta presente na un anochi di informacion na edificio di EPB-HATO.

"Nos ta bay tey pa duna informacion y intercambia datonan cu otro, unda nos ta bay haci e posibilidadnan pa combersacionnan individual cu tur hende. Pero bo tin cu yega, bisa ken bo ta, laga bo number di telefon atras, y nos tey pa yuda. Nos ta busca semper personaliza programa pa cada hende. Bin cu smaak y cu mente habri pa traha riba bo futuro; esey nos ta brinda. Nos kier traha riba e futuro di nos alumnonan", Director Martinus a reitera. El a expresa cu scol tin basta espacio, pero si mester crea



mas espacio nan lo hacie. "Nos no tin stop, nos ta busca modonan semper y financieramente, unda cu ta pa nos por yuda tur hende. E meta ta pa yuda tur hende cu bin akinan", el a enfatisa. Señor Martinus a expresa cu scol tin un team cu nan satisfaccion pa traha anochi t'asina grandi cu e propaganda boca pa boca di e docente-nan ta bin cerca otro-nan.

"Mi ta honesto, mi no tin miedo di kita alumno di otro scol. Ami ta bisa semper si bo ta bezig na 4de klas di Scol MAVO, cab'e. Pasobra bo ta cumenza full di nobo cerca mi, bo tin cu cumenza cu algo nobo", señor Martinus a seña. Señor Martinus a bisa cu tur hende cu kier siña un tecnologia, cu kier bay un techniek, bin na OABA.

Columna E Sembrado



Diabierna 8 Mei. Di cinco siman di Pasco di Resurrecciona 2026. Ciclo A.
I Aniversario di Papa Leo XIV

Calendario Liturgico

Lectura: Echonan 15, 22-31;

Salmo: 57;

Evangelio: Huan 15, 12-17;

"Esaki ta mi mandamento: Stima otro, manera Ami a stima boso. E amor di mas grandi cu un hende por tin pa su amigonan ta di entrega su bida pa nan. Boso ta mi amigo, si boso haci loke Mi manda boso." Huan 15, 12-14.

Den Evangelio di awe evangelista Huan ta concentra su mensahe den e mandamento di amor fraterno, unda Hesus ta invita nos pa stima otro cu e mesun amor y entrega cu Hesus a stima nos, e ta un amor activo, servicial y hopi biaha cu sacrificio. E amor mas grandi ta di duna bo bida pa bo sernan stima, imitando e maximo entrega di Hesus.

Loke awendia ta hopi dificil paun di nos haci algo grandi asina pero e no ta algo imposibel. Hesus ta kibra e obstaculo entre Dios y e hende, tratando nos manera su amigonan, cu kende E ta comparti e plannan di Tata, ya nos no ta sirbidonan mas sino Su amigonan. No ta anos a dicidi di sigui Cristo, ta Hesus a eligi nos prome, esaki ta haci cu e amor divino ta tuma e prome paso pa yama nos pa duna fruta. Nos ta yama no solamente pa stima sino stima cu'n amor cu ta produci frutanan cu ta berdadero y permanente den nos bida.

Oracion: Mi Señor y mi Dios, yuda mi duna prioridad na mi amistad cu Cristo, pa cu Su gracia mi por biba pa otro-nan y asina mi por duna fruta na abundancia. Amen.

Grupo Centro Pastoral Aruba

Ordo keto bay ta pa nan no ta riba caminda

Minister Dowers ta para firme pa orden y siguridad den trafico

TORANJESTAD (AAN): Dia 21 di april 2026, Minister di Husticia, Integracion, Transporte Publico y Energia, mr. drs. Arthur Dowers, durante di un conferencia di prensa, a anuncia su maneho nobo relaciona cu e uzo ilegal di vehiculonan electrico manera E-Steps, E-Bikes y E-Scooters riba camindanan publico. Pareu cu e anuncio aki, minister Dowers a indica cu lo duna e companianan cu ta haci negoshi cu e vehiculonan aki, e oportunidad pa kita esakinan

for di espacionan publico.

Algun dia despues di e anuncio publico aki, un di e operadonan a bira conoci pa Gobierno, na momento cu nan a entama un caso sumario contra e maneho di Minister Dowers. Despues di casi dos siman, riba diahuebs 29 di april, autoridad a kita tur vehiculo electrico no autorisa cu a haya explicitamente riba tereno publico den area di hotel y e mesun operado, pa medio di su abogado, a pidi huez un “ordemaatregel” pa haya

su pertenencianan bek cu autoridad a tuma “in bewaring” e mainta ey.

Prome cu a entama e caso sumario, ningun instancia relevante tabata sa ken ta opera e cantidad di vehiculo electrico riba espacionan publico mirando cu ningun di e vehiculonan aki ta registra, tin seguro of a pasa inspeccion tecnico y sigur no tin permiso pa por haci negoshi cu e vehiculonan aki.

E decision di Minister di Husticia mr. drs. Arthur Dowers pa no sigui tolera e caos cu e minister di husticia anterior a permiti, no ta basa riba sentimentonan emocional sino basa riba leynan concreto y consejo di un comision di siguridad den trafico cu a traha desde aña pasa riba solucionnan practico. E comision di siguridad den trafico ta consisti di expertonan huridico di Ministerio Publico, Departamento di Inspeccion Tecnico (DTI), Departamento di Legislacion y Asuntonan Huridico (DWJZ), Cuerpo Policial y funcionarionan di Ministerio di Husticia.

Cu e decision temporal di huez pa entrega e vehiculo-



nan aki bek na e doño, huez no a duna e doño luz berde pa verhuur esakinan sin mas, mirando cu a enfatisa den e “ordemaatregel” cu autoridad tin e opcion pa atende cu usuarionan di e vehiculonan aki na momento cu nan ta riba camindanan publico, pues a hala e responsabilidad pa e usuario.

No obstante e decision temporal aki, Minister Dowers ta para firme pa su decision pa trece orden bek den trafico y ta warda riba e decision di e “caso sumario” cu lo tuma luga diabierna dia



8 di mei. Hunto cu e expertonan den e comision di siguridad den trafico, ta sigui traha na bienestar di siguridad y orden den trafico.



Ta buscando algun voluntario ainda

Colegio Conrado Coronel ta ancioso pa yudanza cu lo ricibi di Aruba Doet



TORANJESTAD (AAN): Colegio Conrado Coronel parti basico falta ainda un par di voluntario. Abo mayor, bisiña of familiar inscribi bo nomber y bay yuda nan haci algun trabao durante e dia special di Aruba Doet.

Esaki lo bay ta Diasabra dia 16 di Mei 2026, for di 7:30 am te cu 1:30 pm. E proyecto di Aruba Doet eyan lo bay ta “Hardin y Speelplaats”.

Esnan cu kier yuda, por inscribi na e website aki: www.bit.ly/cccdoot

Nan meta ta traha banki pa nos muchanan y tambe haci hofi limpi. Hunto lo haci e scol mas bunita, mas safe y sigur mas agradabel pa nos muchanan. Inscribi awe mes! Nan ta warda bo.

Aruba lo bay haya evento internacional di ciclismo

'La Leyenda Island Series' 2026 lo ta grandi den luna di October

- **Contract oficial a wordo firma**

ORANJESTAD (AAN): Riba diaranson 6 di mei, a firma e contract oficial entre La Leyenda Island Series y Aruba Tourism Authority (A.T.A.), marcando un paso importante den e preparacion y ehecuacion di e prome edicion di 'La Leyenda Island Series Aruba'.

Entre e representante-
nan presente tabata Ronella
Croes, CEO di Aruba Tour-
ism Authority, hunto cu
demas representantenan di
A.T.A., Brian Patrick Mur-
phy-O'Neill di La Leyenda
Island Series y Jeanuar de
Palm di The Caribbean Trail
Legends Foundation y de-
mas representantenan.

E evento lo tuma luga di 9 te cu 11 di October 2026, marcando e debut di e evento internacional di ciclismo aki na Aruba. E evento di tres dia ta parti di e serie global di ‘La Leyenda Island’ y ta wordo organiza den colaboracion cu A.T.A., reforzando Aruba como un destinacion cu ta enfoca riba turismo di bienestar y deportivo di calidad y balor duradero pa e comunidad.

E prome edicion lo consisti di un formato multi-etapa, diseña pa resalta e paisahe varia di Aruba, incluyendo zona di costa, e interior di e isla y ruta cu tereno mixto.



E evento ta integra e red di camindanan, esta trails di mountain bike, cu recientemente a wordo desaroya y mehora na Aruba cu inversion di A.T.A. Di e manera aki, e infraestructura local ta wordo poni den centro di e experiencia di e evento, mientras cu ta promove uzo responsabel y conservacion di e trails a largo plazo.

E enfoké di e evento ta riba turismo di bienestar, cu ta combina actividad físico, salud y conexión cu naturaleza, den línea cu interés creciente di bishitantenan cu ta busca experencianan deportivo y activo durante nan estadía. Principianan di sostenibilidad ta incorpora den henter e evento, cu énfasis riba operacionnan cu poco impacto y cuidu di medio ambiente.

Ademas, La Leyenda Island
Series Aruba 2026 ta posicio-

na Aruba pa atrae bishitante-
nan internacional cu interes
den experencianan deportivo
di varios dia, mientras cu ta
stimula estadia mas largo y
un conexion mas amplio cu
e destinacion.

Mester menciona cu participacion di comunidad ta un elemento central di e evento. Organizacion y ehecucion ta wordo apoya door di e Caribbean Trail Legends Foundation Aruba, den colaboracion cu clubnan di ciclismo local, partnernan local y boluntari-
onan.

E enfoke colaborativo aki ta garantisa participacion local y un sentido di responsabilidad comparti, mientras cu ta fortalece cultura di ciclismo y infraestructura deportivo na Aruba.

“Cu La Leyenda Island Series Aruba 2026, nos ta sigui fortifica Aruba como un des-



tinacion cu ta pone bienestar, deporte y sostenibilidad den centro di su oferta turistico. E evento no solamente ta atrae bishitantenan internacional, pero tambe ta crea balor pa nos comunidad, door di colaboracion local, uzo responsable di infraestructura y un enfoque cu ta genera beneficio duradero pa Aruba,” segun Ronella Croes, CEO di A.T.A.

“La Leyenda Island Series Aruba ta mas cu un carera. Cu e apoyo firme di Aruba Tourism Authority, e evento aki ta e realisacion di un soño comparti y ta parti di nos meta pa sigui explora ubicacionnan nobo y conquista horizonenan nobo,” a bisa Brian Patrick Murphy-O’Neill, Fundador di La Leyenda Race. “Nos ta

cultiva un famia y comunidad global, creciendo di un manera unico, basa riba e balornan fundamental di mountain bike, pais pa pais.

Aruba ta ofrece un tereno excepcional, un cultura di ciclismo fuerte y un caluroso bon bini, haciendo e isla e cas perfecto pa nos proximo edicion di La Leyenda Island Series. Manera nos a bisa for di cuminsamento, nunca nos a kier bira e carera di mas grandi di mundo, sino simplemente e mas stima.”

E registracion pa e evento lo habri oficialmente diabierna, 8 di mei 2026. Ya caba por bishita e website di **leyendaserie.com/aruba** pa bo por registra y haya mas informacion.

Awor a pone un baki na Playa tambe pa pone arma ilegal aden

ORANJESTAD (AAN): Recien DIARIO a publica cu Cuerpo Policial di Aruba a confirma cu nan accion entrega bo arma di candela ilegal sin wordo persigui ta wordo prolonga te cu 24 di mei 2026.

Cuerpo Policial di Aruba (KPA) conhuntamente cu Ministerio Publico (OM) ta informa comunidad cu a dicidi di prolonga e accion “Entreg’e of nos ta bin busk’e” cu un luna adicional.

E periodo di gracia, cu originalmente tabata core di 24 di maart te cu 24 di april, awor lo keda vigente te cu 24 di mei 2026.

E iniciativa aki ta un esfuerzo interinsular den cooperacion estrecho cu e Colegio di Hefenan di Cuerpo (College van Korpschefs) y e Ministerionan Publico di Aruba, Corsou, Bonaire, Saba, St. Eustatius y St. Maarten. E meta principal ta pa reduci e cantidad di arma di candela ilegal riba caya y garantisá un isla mas segur pa un y tur.

Pa facilita e entrega di e armanan di candela ilegal di manera sigur y discreto, tin awo dos punto central disponibel:

(*) Oranjestad (Pabao di brug): E container

blauw situa den Wilhelminastraat (ex-warda di polis). Esaki lo keda den funcion te cu 24 di mei 2026. Corda no blokia e container cu auto mal staciona. Laga rond di e container liber pa e persona cu kier deposita e arma di candela ilegal.

(*) San Nicolas (Pariba di brug): E container blauw situa banda di warda di polis di San Nicolas cu tambe ta keda den funcion te cu 24 di mei 2026.

KPA y Ministerio Publico ta haci un recordatorio cu e personanan cu entrega un arma di candela ilegal den e periodo aki NO lo wordo persigui penalmente. Tambe bo ta keda completamente anonimo.

E ta conta tambe pa bala- y piezanan di arma di candela. Esaki nan tambe por wordo deposita den e containernan blauw.

Consecuencia despues cu e periodo di gracia aki termina ta si nos hayabo cu un arma di candela ilegal bo ta wordo deteni y persigui penalmente.

Dos persona a haci uzo di e oportunidad aki y 5 sospechoso a hayanan den problema door cu nan tabata den posesion di un arma di candela

ilegal y no aprobecha di e oportunidad aki .

Tuma e decision correcto, y Polis ta cordabo: "Entreg'e of nos ta bin busk'e"!



Exitoso dia deportivo pa alumnonan di Mon Plaisir College HAVO y VWO

ORANJESTAD (AAN): Recientemente e alumnonan di Mon Plaisir College HAVO y VWO a goza di un fabuloso Dia Deportivo.

Esaki a tuma lugar den oranan di mainta tanto paden como pafo di Compleho Deportivo Simeon Antonio.

Tabatin tur sorto di competencia, wega, y algun cu hopi reto prepara pa e alumnonan, y e ambiente a keda positivo. Studentenan a hari un mundo durante e dia aki, y alavez a siña con pa haci un berdadero team work, y mustra nan deportivismo.

Un danki na e Team di docente-nan di L.O. cu a yuda cu e organizacion y nan esfuerzonan pa haci esaki un dia exitoso.



Noticia Internacional

Marco Rubio a reuni cu Papa Leo XIV y a discuti riba esfuersonan pa logra paz den Medio Oriente

Secretario di Estado di Merca, Marco Rubio, diahuebs a purba di pasa e crisis recien y regla cosnan cu Vaticano durante un combersacion "amistoso" cu Papa Leo XIV tocante e guerra den Medio Oriente y "esfuersonan humanitario" den America.

E reunion "a enfatisa e forsa di e relacionnan entre Merca y e Santa Sede, y tambe nan compromiso comparti cu paz y dignidad humano," e Departamento di Estado a bisa den un declaracion.

Santa Sede a hunga un rol activo den diplomacia rond di Cuba, cu ta bao di un presion creciente di Washington desde cu Trump a regresa na poder.

Rubio, un catolico di origen Cubano, a encabesa e esfuersonan aki pa presiona gobierno comunista di e isla.

Papa Leo XIV conoce Latino America bon despues di a pasa dos decada como misionero na Peru, caminda el a obtene ciudadania.



Segun Departamento di Estado, e dialogo entre e dos lidernan a duna testimonio di "e partnership fuerte y consistente entre Merca y e Santa Sede den sosten di libertad religioso."

Vaticano no a divulga detayenan di e publico porta cera aki, cu a dura mas o menos 45 minuut.

Despues Rubio a reuni cu e secretario di estado di Vaticano y number dos, kardinaal Pietro Parolin. "Nos ta bay scuch'e," Parolin a bisa periodistanan diaranson, aclarando cu e reunion tabata riba iniciativa di Washington y cu nan lo papia tocante topiconan manera Latino America, Cuba y Libanon.

E administracion di Trump a celebra e eleccion di e Papa dia 8 di mei 2025,

como e prome pontifice Mericano den historia.

Pero su relacionnan cu Santa Sede a deteriora.

Den un atake sin precedente, Trump na april a yama e papa "DEBIL riba crimen, y teribel pa politica exterior."

Su declaracion a bin despues cu Papa Leo XIV a boga pa paz den Medio Oriente despues di e guerra lansa pa Israel y Merca contra Iran, y a condena e menasa di Trump pa destrui civilisacion Irani como "berdaderamente inaceptabel."

Rubio a afirma cu e bishita tabata planea prome cu e declaracionnan di Trump. Trump a bolbe critica e Papa den un entrevista dialuna anochi, alegando cu Papa Leo mi ta kere "ta bon pa Iran tin un arma nuclear." "Mi ta kere cu e ta pone hopi catolico y hopi hende na peligro", e republicano a bisa.

Ora a puntr'e riba esaki, e Obispo di Roma a declara cu e mision di Iglesia Catolico ta pa "predica paz" y Evangelio.

"Si un hende kier critica mi pa proclama e Evangelio, laga nan haci'e cu e berdad," el a bisa periodistanan.

"Iglesia a papia pa añanan contra tur arma nuclear, pues no tin duda tocante esey," e pontifice a sostene.

Parolin a bisa diaranson cu ataca e Papa "ta un tiki straño" pasobra "e Papa ta e Papa."

Como un Mericano, Papa Leo tin mas influencia na Washington cu su predecesornan y a uza su voz pa critica e represion di e administracion di Trump riba inmigracion.

INTERNACIONAL NOTICIA FOR DI VENEZUELA

O.E.A. TA EXIGI LIBERA TUR PRESO POLITICO

CARACAS: E mensahe a drenta cla y raspa pa Venezuela. E Secretario General di Organizacion di Estadonan Americano (OEA), esta Albert Ramdin a exige e siman aki pa Venezuela libera tur preso politico. El a declara esaki durante un sesion di Consejo Permanente di OEA. Den su discurso, el a respalda e trabao di Comision Interamericano di Derechonan Humano y e vigilancia di e situacion di personanan deteni pa motibonan politico, considerando cu nan trabao "ta sigui y lo sigui di ta indispensable".



"E bishita na e presonan aki ta aporta na transparencia y rindimento di cuenta manera e situacion ta rekeri y cu pueblo Venezolano merece," el a bisa. Segun Ramdin, e situacion di presonan politico na Venezuela no ta djis un asunto interno, sino un preocupacion di derechonan humano pa henter e region. Den e sentido ey, el a adverti cu si nan keda di tin hendenan deteni djis debi na nan opinion y posicionnan politico ta representa un obstaculo pa estabilidad democratico. "Tur hende deteni pa nan posicion politico ta representa un baymento atras y e persecucion politico no por wordo tolera den nos hemisferio," el a enfatisa.

STUDIANTENAN TA WORDO ATRACA NA CORO

CORO: Studiantenan di Histocitotecnologia di Universidad Nacional Experimental Francisco de



Miranda, conoci como Unefim na ciudad di Coro na estado Falcon, a denuncia cu nan ta birando victimanan di atraco den e ultimo dianan aki, net ora cu nan ta yegando na un centro educativo chikito pa haya les, debi cu nan lokaalnan ta wordo remodela. Pero cada rato atracadornan ta mik riba studiantenan, y ta kita tur nan pertenencia. Esaki ta socede sea ora nan ta yegando e centro educativo of ta saliendo. Desde Dialuna cu a cuminsa duna les temporalmente eynan, e casonan di atraco a start, y awor famianan ta haci suplica na Polis pa atende e situacion y evita un tragedia. Polis Nacional Bolivariana (PNB) ya a reacciona y a priminti di lo keda patruya den e area, special ora cu e studiantenan yega pa haya les 1 pm y sali bek pa 6:00 pm.

EVACUACION BAO TERA ORA DI BLACKOUT

CARACAS: Un blackout di coriente cu a presenta Diaranson atardi a afecta varios estado na Venezuela,



e.o. lagando sin coriente gran parti di estado Miranda. Esaki a interrompi servicio di Metro Los Teques, y un trein a keda pega bao tera den scuridad. Ora cu e trein a stop debi cu no tabatin coriente, e trahadornan a start cu protocol di evacua. Pasaheronan a baha di trein, y den un rij largo a cana den e tunnel scur aki, canando tras di e trahadornan di Metro. Pasaheronan a bisa cu e trahadornan a duna nan un trato cu tur respet y a pone prioridad pa yuda hendenan adulto mayor durante e caminata. Aunke tabatin reclamo cu no tabatin un plan con pa sali di e tunnel.

Mexico ta pidi Merca "prueba" despues di a acusa gobernador di Sinaloa di traficacion di droga



Presidente Mexicano Claudia Sheinbaum a exige diahuebs pa Merca presenta "prueba" si e ta mantene acusacionnan contra funcionarionan Mexicano di alto rango y a enfatisa e "responsabilidad comparti" pa combati traficacion di droga na ambos banda di frontera.

Den su conferencia di prensa na Palacio Nacional, e presidente Mexicano a nenga cu su gobierno ta protegiendo e gobernador di Sinaloa, Rubén Rocha, miembro di e partido na mando, cu actualmente ta den verlof y a wordo acusa di supuesto lasonan cu narcotrafico.

"Prueba," Sheinbaum a contesta ora a puntr'e despues cu Fiscal General di Merca, Todd Blanche a adverti cu acusacionnan contra oficialnan Mexicano lo sigui.

E mandatario a sigura cu su gobierno no ta proteha ningun hende, pero a sostene cu cualkier detencion na Mexico mester cumpli cu legislacion nacional.

Noticia Internacional

Companionan fantasma vincula cu Maduro a desvia 11 biyon dollar na entrada di petroleo di Venezuela durante dos año



Documentonan interno di Petróleos de Venezuela S.A. (PDVSA) a revela cu companionan fantasma controla pa Carlos Malpica Flores y otro empresario cerca di Nicolas Maduro a exporta petroleo Venezolano na balor di por lo menos \$11 biyon durante 2021 y 2022 sin cu e compania estatal a ricibi ningun pago pa e bentanan aki.

Segun estadisticanan di Banco Central di Venezuela, e cifra ey a representa mas o menos mitar di tur e entradanan di petroleo cu e pais a ricibi durante e periodo ey, segun un in-

vestigacion publica pa The New York Times. E documentonan, cu e medio di comunicacion Mericano a haya acceso na dje, ta detaya con PDVSA a perde custodia di volumen grandi di crudo pa medio di contractnan otorga na companionan shell. E transaccionnan aki, realiza pafo di canalnan formal di mercadeo, no a genera entrada pa e tesoro publico. Registran oficial ta muestra cu entre 2019 y 2022, mas o menos 240 envio di petroleo a bandona e pais sin cu e pagonan correspondiente a wordo haci na e compania estatal, loke

a resulta den un perdida acumula di 13 biyon dollar pa e estado Venezolano, segun un presentacion di un reunion di directiva di PDVSA cita pa The New York Times.

E estructura di desviacion tabatin e participacion central di Carlos Malpica Flores, considera pa fuentenan den e sector como e custodio di e fortuna di e famia Maduro.

Malpica, e ex-tesorero di e pais y ex-hefe di finansa di PDVSA, a mantene acceso privilegia na contractnan y operacionnan di petroleo hasta despues di su salida formal for di e sector publico. "Companionan fantasma controla pa Malpica y otro empresario cerca di Maduro a exporta \$11 biyon na balor di petroleo na 2021 y 2022 sin paga ni un cen na e compania estatal," investigacion di The New York Times a indica.

Prome Minister di Italia a comparti un potret manipula pa concientiza riba inteligencia artificial

Prome Minister di Italia, Giorgia Meloni ta lanta alarma contra deepfakes, mustrandocu como ehempel un potret falso, genera cu inteligencia artificial, den cual su cara a wordo aplica na e curpa di un muhe cu paña interior.

E imagen, cu ta circula online den e dianan aki, ta wordo "bendi como autentico pa algun miembro di oposicion diligente", e hefe di gobierno ta splica, kende a repost un mensahe di un usuario cu a califica como "bergonzoso" cu un hefe di gobierno lo a aparece den un estado asina.

E riesgonan di manipulacion digital den politica den su mensahe, e hefe di gobierno ta adverti cu "potretnan deepfake ta un



herment peligroso, pasobra nan por gaña, manipula y ataca cualkier hende." Cinco año pasa, e cara di e lider di Brothers of Italy a wordo uza den un video pornografico falso publica riba un website pa adulto, un caso cu a conduci na un huicio na Sassari. Meloni a opta pa ironia, bisando cu "ken cu a crea e imagen a mehora mi con-

siderablemente," aunke el a insisti riba e seriedad di e fenomeno: "Pa por ataca y inventa falsedadnan, tur cos ta bay."

Pero e hefe di gobierno a expresa su preocupacion pa ciudadanonan cu kisas no tin e medionan pa defende nan mes y p'esey a recomenda un regla: "Verifica prome cu kere y kere prome cu comparti."

NOTICIA FOR DI COLOMBIA

DETENCION DEN CASO DI VANDALISMO DEN MISA



CALI: Tabatin riba Diaranson mainta disturbio paden di Misa La Ermita, cu ta un di e edificacionan mas admira den centro di Cali, y cu a laga hopi daño na tur imagen religioso cu tin paden. Polis Nacional a confirma cu nan a logra detene un homber di 27 año, pa su responsabilidad di e delito di daño grandi parti paden di e Misa. Polis a haya tip via telefon di loke ta pasando, y mesora unidannan a bay pa atende e situacion. Aki a bin haya e homber cu tabata tira tur obheto cu el a topa den su caminda, entre nan e imagen di Nos Señora di Dolornan, cu a wordo cataloga como un interes cultural cu proteccion special di Estado Colombiano. Polisnan a logra domina e persona, y sak'e di eyden. Loke Polisnan a mira ta un total destruccion di elementonan religioso y tabata spanta e fielnan cu tabata den Misa e momento ey. Mientras tanto, Alcalde di Cali a denuncia, mustrandocu esaki ta un falta di respet pa e libertad religioso y den lugarnan unda fielnan por sinti nan mes safe.



PLUS ULTRA LO STOP DI BULA PA COLOMBIA

BOGOTA: E aerolinea di España, Plus Ultra lo bay suspender temporalmente su vuelonan pa Colombia entrante 2 di Juni 2026, debi na e "aumento sin precedente di costo di jetfuel di aviacion", debi na e guerra na Iran, y otro "factornan specifico" di mercado di



Colombia, segun e compania a indica den un boletin. Segun Plus Ultra, e "transporte aereo internacional ta pasando den un situacion extraordinariamente complica cu ta bin debi na e conflicto na Medio Oriente," cu a ocasiona aumento pisa di prijs di combustibel, "cu na algun mercado a duplica den prijs den apenas algun siman." Segun e boletin, "den e contexto global aki ta bin acerca factornan specifico den mercadonan manera esun Colombiano. Entre nan e prijs di Jetfuel ta hopi mas halto compara cu otro paisnan den region, y e ta un extra costo y pone acerca e tarifanan di Aeropuerto. Tur esaki ta trece un aumento di costo di operacion estructural y ta imposibel pa bay cobra extra pa Jetfuel cerca esnan cu ya a cumpra pasashi." Esey ta motibo pakico Plus Ultra a dicidi stop nan vuelo temporalmente pa Colombia, y lo bay reforza nan operacion na Caracas cu di 5 vuelo semanal entrante 6 di Juli. Vuelo pa Lima haya e di 7 vuelo semanal entrante 14 di Juli, y Buenos Aires ta haya di 5 vuelo semanal entrante 15 di Juli.



RESULTADO DI SORTEONAN PA CORTESIA DI CADENA ALEXANDER

DIAHUEBS 7 MEI 2026

DIARIO																					
6407 4767 3864	9128 8620 6619	<table border="1" style="width: 100%; border-collapse: collapse;"> <tr> <th style="width: 50%;">MERDIA</th> <th style="width: 50%;">ANOCHI</th> </tr> <tr> <td style="text-align: center;">0905</td> <td style="text-align: center;">9879</td> </tr> <tr> <td style="text-align: center;">0915</td> <td style="text-align: center;">7077</td> </tr> <tr> <td style="text-align: center;">0932</td> <td style="text-align: center;">9297</td> </tr> <tr> <th colspan="2" style="text-align: center;">MULTI- X</th> </tr> <tr> <td style="text-align: center;">X2</td> <td style="text-align: center;">X2</td> </tr> </table>	MERDIA	ANOCHI	0905	9879	0915	7077	0932	9297	MULTI- X		X2	X2	<table border="1" style="width: 100%; border-collapse: collapse;"> <tr> <th style="width: 50%;">MERDIA</th> <th style="width: 50%;">ANOCHI</th> </tr> <tr> <td style="text-align: center;">6977</td> <td style="text-align: center;">LIBRA</td> </tr> <tr> <td style="text-align: center;">5697</td> <td style="text-align: center;">TAURO</td> </tr> </table>	MERDIA	ANOCHI	6977	LIBRA	5697	TAURO
MERDIA	ANOCHI																				
0905	9879																				
0915	7077																				
0932	9297																				
MULTI- X																					
X2	X2																				
MERDIA	ANOCHI																				
6977	LIBRA																				
5697	TAURO																				
																					
<table border="1" style="width: 100%; border-collapse: collapse;"> <tr> <th style="width: 50%;">MERDIA</th> <th style="width: 50%;">ANOCHI</th> </tr> <tr> <td style="text-align: center;">4695</td> <td style="text-align: center;">1877</td> </tr> </table>	MERDIA	ANOCHI	4695	1877	<table border="1" style="width: 100%; border-collapse: collapse;"> <tr> <th style="width: 50%;">MERDIA</th> <th style="width: 50%;">ANOCHI</th> </tr> <tr> <td style="text-align: center;">047</td> <td style="text-align: center;">281</td> </tr> <tr> <td style="text-align: center;">FP</td> <td style="text-align: center;">X5</td> </tr> </table>	MERDIA	ANOCHI	047	281	FP	X5	<table border="1" style="width: 100%; border-collapse: collapse;"> <tr> <th style="width: 50%;">MERDIA</th> <th style="width: 50%;">ANOCHI</th> </tr> <tr> <td style="text-align: center;">3638</td> <td style="text-align: center;">1869</td> </tr> <tr> <td style="text-align: center;">X2</td> <td style="text-align: center;">FP</td> </tr> </table>	MERDIA	ANOCHI	3638	1869	X2	FP	9165		
MERDIA	ANOCHI																				
4695	1877																				
MERDIA	ANOCHI																				
047	281																				
FP	X5																				
MERDIA	ANOCHI																				
3638	1869																				
X2	FP																				
			05-14-17-24-25																		

BUSCA PALABRA

B A T E R I A O C R D O
 O D F U F I R A I E O L
 W O U L F C P A L T R B
 A O S B U R A R I L O R
 T H E I E T Z R N I T R
 E I B A L L E K D F A S
 R D O D I I T I E R I P
 P O X N N O A T R I D A
 O A U O J C L A G A A R
 M B E A E W P U B A R K
 P R U A C R O T O M L P
 A E P D T D C U E I B L
 R U M L O B R A E A X U
 B C P O R U U A I E I G

Bao di Hood Sparkplug Fusebox	Fuel Injector Air Filter Radiator	Cilinder Waterpomp Bateria	Motor Coil Azeta
-------------------------------------	---	----------------------------------	------------------------

> SUDOKU <

Conceptis Sudoku By Dave Green

				6		4		
	5				2		3	
8		7					1	
	4		9		1			
9								2
			3	6			1	
		8				3		7
	2		6				9	
		6		1				

Difficulty Level ★★★★★ 5/08

Bisti bo Seatbelt

Aerolinea 'Air Antilles' a wordo liquida y ta afectando varios isla di Caribe oriental

MARIGOT: Corte na isla di Guadeloupe a dicta sentencia, siman pasa y a dicidi cu e aerolinea Air Antilles ta wordo liquida.

E compania a busca ainda na ultimo momento di haya inversionista pa yuda e aerolinea cu tabata sufriendo financieramente. Nan a hasta haya un empresario Dr. Piere Sainte-Luce, pero su proyecto no a convence Corte.

Di e forma ey, e compania



Hari Un Tiki

Un muher ta lesando un buki y a bisa su casa:
 -"Ki berguenza esaki".
 Juanchito a core puntra:
 -"Kico a pasa dushi?"
 E muhe a sigui bis'e:
 -"Bo por kere cu un tal Pedro Marbella a publica un buki, copiando tur e poemanan cu bo a skirbi pa mi tempo nos tabata enamora?"

Solucion Anterior

9	4	3	7	8	1	2	5	6
7	2	5	6	4	9	1	8	3
8	6	1	5	3	2	7	9	4
2	9	8	1	6	3	4	7	5
3	5	6	4	2	7	9	1	8
4	1	7	9	5	8	3	6	2
5	8	9	2	1	4	6	3	7
6	7	2	3	9	5	8	4	1
1	3	4	8	7	6	5	2	9

Difficulty Level ★★★★★ 5/07

EMERGENCIA NA ARUBA

Diabierna 8 Mei 2026

DOCTER NA WARD

SAN NICOLAS:
 Pa San Nicolas, Docter lo ta na H.A.P. ImSan.
 Docter tey for di 6'or di anochi te 10'or di anochi.


ORANJESTAD:
 Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

BOTICA NA WARD

PARIBA DI BRUG:
 Botica Aloe NV
 Pos Chikito 83
 Telefon 584-4606

PABAO DI BRUG:
 Botica Del Pueblo NV
 Caya Betico Croes 48
 Telefon 582-1253

Loke Tempo ta Mustra....



- Extension di sistema di presion halto di Atlantico y tambe aire relativamente seco for di Zuidooost, ta stroba nubia di awacero. Biento ta fuerte, y lo tin stof fini di Sahara tambe.
- Biento di Pariba modera entre 20 y 39 km/h, rafaga 50 km/h. Ola ta modera te bruto entre 4 y 8 pia, pues bay cauteloso.



cu a boga semper pa conectividad aereo den Caribe, a haya nan obliga na cera nan porta.

Cu esey, un total di 116 empleado a perde nan trabao, di cual mayoria ta biba na Guadeloupe y Martinique. E compania ta lamenta cu Gobiernonan di Guadeloupe, Martinique, y hasta Francia a laga nan na caya, siendo cu e vuelonan aki tabata wordo considera un sorto di 'servicio publico' pa e islanan keda conecta cu otro.

ALMANAC




Bahada y salida di solo na Aruba

— 8 Mei 2026
Solo ta baha: 6:56 p.m.

— 9 Mei 2026
Solo ta sali: 6:17 a.m.
Solo ta baha: 6:56 p.m.

—10 Mei 2026
Solo ta sali: 6:17 a.m.
Solo ta baha: 6:56 p.m.

—11 Mei 2026
Solo ta sali: 6:17 a.m.
Solo ta baha: 6:57 p.m.



Lista di Crusero di bishita na Aruba

—Diamars 12 Mei 2026:
Carnival Horizon:
(08:00 - 22:00)
Grandeur of the Seas:
(08:00 - 23:00)

—Diamars 19 Mei 2026:
Adventure of the Seas:
(07:00 - 23:00)
Grandeur of the Seas:
(08:00 - 23:00)

—Diaranson 20 Mei 2026:
Allure of the Seas:
(07:00 - 16:00)
Carnival Vista:
(07:00 - 16:00)

—Diahuebs 21 Mei 2026:
Carnival Venezia:
(09:00 - 22:00)

—Diamars 26 Mei 2026:
Carnival Horizon:
(08:00 - 22:00)
Grandeur of the Seas:

Bo mester di un hende pa Scucha bo ??



Tel: 583-1190
Anonimo y Confidencial

DEPORTE INTERNACIONAL

**Bom a rementa cerca Real Madrid:
hungadornan a bringa cu otro, Federico
Valverde a bay hospital cu herida na cabes**



MADRID: E situacion na Real Madrid a escala.

Diaranson Federico Valverde di 27 aña y Aurélien Tchouaméni di 26 aña a haya un pleitamento cu otro y Diahuebs e situacion a sali completamente for di man.

E dos hungadornan di Real na dado momento a cuminsa bringa cu otro, despues di cual Valverde mester a wordo transporta pa hospital.

Esaki e corant Marca a reporta.

E dos hungadornan di medio campo Diaranson caba tabata tin un pleitamento, cu Diahuebs a escala ora cu

Valverde mainta a nenga di duna Tchouaméni un man.

E hungadornan manda mokete riba otro y Valverde a resulta di ta esun cu a ricibi mas golpi.

E mester a wordo transporta pa hospital cu un herida na cabes.

Mesora tabata tin un reunion di urgencia den camerino, unda cu director general José Angel Sanchez tambe tabata presente.

E pelea internamente ta wordo describi como e peor den historia riba Valdebebas', e compleho di entrenamiento di Real Madrid.

Spurs a bons bek pa duna T-Wolves un sota formal

SAN ANTONIO: Diaranson anochi Victor Wembanyama a acaba cu 19 punto y 15 rebounds pa yuda San Antonio gana e di dos wega den di dos rond di playoffs di Western Conference contra Minnesota Timberwolves 133-95.

Tabata e derota mas grandi den post temporada den historia di T-Wolves.

Spurs sorprendentemente a perde e prome wega y Diaranson nan a sali decidido di no laga esey sosode atrobe.

Stephon Castle a contribui cu 21 punto y De'Aaron Fox a termina cu 16 pa San Antonio cu tabata tin un exito di 50% den nan tiro-nan riba basket.

Di otro banda, e maximo anotadornan pa Minnesota tur a caba cu apenas 12 punto.

Ta trata di Anthony Edwards, Julius Randle, Jaden McDaniels y Terrence



Shannon.

Rudy Gobert a contribui cu 10 rebounds.

Den e otro wega cu tabata den Eastern Conference, New York Knicks a gana Philadelphia 76ers 108-102, pa tuma un ventaha di 2-0 den e serie.

Rodgers tin planea pa firma bek cu Steelers



PITTSBURGH: Quarterback agente liber Aaron Rodgers muy probablemente ta bay firma bek cu Pittsburgh Steelers, segun Ian Rapoport di NFL. Apesar di e hecho cu no tin un acuerdo oficial ainda, Rodgers ta wordo verwacht di bishita Steelers e fin di siman aki.

Pittsburgh a pone un asina yama UFA Tender riba Rodgers siman pasa.

E tender cu otro provisionnan ta duna

e veterano un aumento di salario di 10% compara cu temporada pasa.

Si e firma e contrato Rodgers lo bay hunga su di 22 temporada den NFL.

Temporada pasa e tabata cu e ekipo y den 16 wega cu el a cuminsa e ekipo tabata tin un record di 10-6.

E quarterback di 42 aña a hiba Steelers pa e rond di wild card di playoffs, pero nan a wordo elimina pa Houston Texans.

Boyd di Cubs a lesiona meniscus hungando cu su yiunan na cas



CHICAGO: Chicago Cubs a perde otro pitcher, e biaha aki na un manera inespera y straño.

Pitcher surdo Matthew Boyd a lesiona su meniscus robes mientras cu e tabata hunga cu su yiunan na cas Diaranson, manager di Cubs Craig Counsel a revela.

Mientras cu e gravedad exacto di e lesion no ta conoci ainda, un MRI a mostra cu Boyd ta bay tin mester di

un operacion.

No tin un indicacion cuanto tempo Boyd ta bay ta pafo di accion.

"Nos ta bay sa mas despues di e operacion ami ya pensa", segun Counsel.

Chicago a selecta pitcher drechi Trent Thornton for di Triple-A Iowa despues di manda Boyd pa e lista di esnan lesiona Diaranson.



Noticianan for di Hulanda

Ex agente policial femenino deteni pa soborno y viola acuerdo di secrecia



EMMEN: Un ex agente policial femenino di Emmen di 32 aña a wordo deteni Dialuna.

E ta wordo sospecha di viola e reglanan di secrecia di su trabao y e lo a haci uso di informacion saca for di computernan pa metanan ilegal.

Esaki Ministerio Publico a duna di conoce Diahuebs.

E muher lo a soborna un ambtenaar di polis y sin permiso e lo a wak den e sistemanan di polis pa despues duna

informacion na criminalnan.

Banda di esaki e ex agente policial hunto cu otro persona a ricibi pago di soborno, segun OM.

Un vocero no a duna informacion di e otro persona involvi den e caso aki. Diahuebs Hues Comisario a prolonga detencion preventivo di e muher cu dos siman.

Om no ta descarta cu mas detencion por tuma lugar.

Stewardess di KLM den isolacion na hospital despues di posibel contagio cu hantavirus



AMSTERDAM: Un stewardess di KLM di Haarlem ta interna den hospital UMC na Amsterdam debi na un posibel contagio cu hantavirus.

Esaki un vocero di ministerio di Saludubridad a confirma na prensa Hulandes.

“Nan ta haci test riba dje awor pa determina si el a wordo contagia cu hantavirus”, segun e vocero.

E muher tin sintomanan leve y ta den isolacion.

Locual ta conoci ta cu e muher Hulandes cu a muri di hantavirus, riba 25 di Mei pa un rato cortico tabata abordo di un avion di KLM.

E stewardess eyan tabata tin contacto cune.

Segun NOS, tabata tin mas cu 300 pasajero den e avion cu tabata cerca di sali pa Amsterdam.

Un dia despues e muher di 69 aña a fayece den un clinica na Johannesburg.

Brandweer a tarda oranan largo pa paga candela na centro di data na Almere



ALMERE: Diahuebs mainta banda di A6 na un centro grandi di data na Almere tabata tin un candela.

Debi na e nubianan shinishi di huma cu tabata sali for di e edificio gubernu Hulandes a manda dos asina yama NL-Alerts.

A consecuencia di e candela diferente organizacion a wordo confronta cu problema, incluyendo CBS, Universidad di Utrecht, Infomedics, Camara di Comercio y compania di transporte TransDev.

Alrededor di 08:30 e candela den e centro di data di NothC den Rondebeltweg a wordo descubri.

Hopi lihe tabata tin acumulacion di huma.

Varios vehiculo di brandweer a presenta na e sitio pa atende cu e candela.

Despues di e prome melding di candela rapidamente e edificio a wordo evacua y afortunadamente no tabata tin ningun hende cu a resulta herida.

Entrenamento cu explosivo tabata causa di candela den naturalesa di 't Harde



‘T HARDE: E candela den naturalesa cu riba 29 di April tabata tin riba e asina yama Artillerie Schietkamp (ASK) na 't Harde a wordo causa pa un entrenamiento cu explosivonan.

Esaki segun Koninklijke Marechaussee (KMAR) a base di un investigacion profundo di e candela.

No tin indicacion cu hechonan castigable a wordo cometi.

Segun KMAR e candela a ciuminsa

durante un training planea unda cu a pone municion explota.

E investigacion a muestra riba e hecho cu e unidad a haci un peticion corecto pa e entrenamiento, mientras cu e plan di explosion a wordo aproba tambe pa e autoridnan relevante di ASK, segun Marechaussee Real.

E escenario mas obvio pa e hecho cu e candela a ciuminsa ta un acumulacion di circunstancianan tecnico.

Libera mucha muhe di 5 año secuestra na Suriname

PARAMARIBO: Un e auto di e homber. E sospechoso a bay cu e mucha muhe na un tienda, y aki a baha cu ne. Mientras tanto e otro muchanan a core bati alarma ora cu nan a mira con e mucha a bay den e auto. Habitante-nan di e cas, y varios bisiña mas a dicidi na subi nan auto pa core busca rond.

E organizacion Stichting Social Army cu tin varios security camera den e area, a core yuda y a logra mira den ki tipo di auto e mucha a bay. Esaki a yuda tur

hende den buskeda di e Toyota Wish.

Poco despues, e auto a wordo haya banda di e tienda. Aki e sospecho-so y e mucha di 5 año tabata na cashier pa paga pa ice-cream. Un primo cu a baha, a core rescata e mucha y a bay cu ne. E supuesto secuestrado mes a core sali, subi su auto y huy bay.

Polis awor ta buscando e homber aki, y mientras tanto e mucha ta safe bek cerca su famia.



Ricardo Simon Geerman "Cai"
* 18 November, 1935 † April, 2026

RECORDANDO RICARDO S. GEERMAN NOS AMOR ETERNO

E yiu mayor di Placido y Estebania Geerman Kock den felis memoria A nace dia 18 November, 1935 y Dios a bendicion'e cu 90 año di bida Cu e unico amor di su bida Carmen Geerman Geerman hopi enamora A uni den matrimonio 28 Februari, 1957 y 69 año casa nan a logra celebra A traha 34 año na LAGO, a cumpli cu su trabou y cu su famia stima

Di nan amor 4 yiu muhe a wordo forma y cualnan el a stima masha Ludwina Ras Geerman y esposo Roland "Chupy" Ras y famia Marianela Geerman, Geerman y esposo Hans Geerman y famia Lourdes Geerman y famia † Ricarda "Carla" Geerman y famia

El a wak su nieto(a) nan stima bira grandi y forma nan hogar Eliomar, Eliandra y Elisè Koolman y famia Shawn, Shannon Geerman y famia, Shawndrè Geerman Shedaissy, Robiëshka Lake y famia Taisha, † Kevin, Kenrick, Calvin y Calvin Curiel y famia

Manera yiunan:
Sheila Rampersad y Rose Etiënne

Bendiciona el a logra wak su famia krece cu 12 bisanieta y 11 bisanieta Den su bida el a gusta tur locual cu tin di haber cu celebracion y musica A canta cu Koor di misa, a toca piano, guitarra y a baila hopi den su bida Den grupo di Mimi Kock d.f.m. Flor di Jasmin y grupo di Cinta Y pa hopi año el a apoya y aporta na tradicionnan y n'e cultura di Aruba

Nos ser stima tabata gusta hunga biljart, esey tabata su hobby preferi Na Esso Club y n'e otro lugarnan caminda el a hunga el a diberti El a participa den hopi competencia y a logra sali Campeon un biaha E deporte di coremento el a practica di Savaneta pa Colony y vice versa Softball tambe el a gaba nos cu tempo di su tempo e tabata gusta hunga

A subi escenario na 2013 pa hunga comedia y a yuda su yiu triunfa Hunto cu su señora y nan yiu el a habri e parada cultural arib'un carosa Cu su señora na 2016 el a compañía su bisanieta y na 2023 su bisanieta Bailando arib'e escenario n'e festival Un Canto pa nos Himno y Bandera P'e eleccion Dama Grandi 2025 el a baila cu su señora den e show di e nieta

E tabata sali ariba bais di Pos Chikito y te na Concorde Hotel e tabata yega Eynan e tabata baha p'e prepara y pa asina te na pier e logra landra Ta sinta un rato, ta bula den lama p'e yega canto p'e bay bek pariba Cu su Swa d.f.m. el a cumpra un boto y hunto nan tabata sali bay pisca El a logra tur meta cu el a propone y a celebra su bida cu amor y alegría

Nos curason ta na paz, nos a trat'e cu amor, respet n'e manera cu e merece Su señora stima y yiunan semper tabata tey pa yud'e y pa nada no falt'e El a comparti momentonan valioso cu su famia y a forma recuerdonan bunita Nos lo keda cord'e cu tur e amor di nos curason y a pidi Dios pa na paz e sosega Entiero a tuma lugar den seno familiar, keda cord'e manera b'a conoce na bida

Nos tin e tristo deber di anuncia fayecimento di nos gran amigo,
RUBEN MANSUR, CO-FUNDADOR DI NOS KOFFIECLUB



Ruben Mansur


Semper e lo keda den nos felis memoria durante nos reunionan semanal na Gloria.

Nos profundo condolencia na su yiunan y demas famia y amigonan.

Cu Ruben sosega na paz.

Michael Kuiperi, Eduardo de Veer, Olindo Koolman,
Eddie Croes, Angel Bermudez, Tisa LaSorte,
Ray Buckley y Jossy Laclé

"like" us on
facebook
facebook.com/diarioaruba

The logo for Tabacal features a large, stylized 'T' composed of three vertical bars of increasing height, followed by the word 'Tabacal' in a bold, sans-serif font.The logo for Transimex Freezone consists of the word 'TRANSIMEX' in a bold, sans-serif font, followed by a stylized 'TF' monogram and the word 'FREEZONE' in a smaller, bold, sans-serif font.

Ta anuncia fayecimento di nos fundador, accionista,
tata y abuelo di nos directornan.

Cu Señor Ruben Mansur Sr. su alma sosega na paz.

18 April 1933 - 5 Mei 2026



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Cu honda pena pero conforme cu boluntad di Dios y agradecido pa tur e felicidad cu e la comparti cu nos, nos ta anuncia fayecimento di nos tata, welo, bisawelo, ruman y omo stima:

Ruben Damian Mansur

“Ridder in the Orde van Oranje- Nassau”
“Member Keeper of the Quaich”

18 April 1933 – 5 Mei 2026



Na number di su:

Esposa: †Erica Mansur

Yiunan: Eric & Patricia “Patsy” Mansur
Ilienue Mansur
Ruben Jr. “Bincho” & Elizabeth “Betchie” Mansur
Carlo & Blanca Mansur
Izaira & Xiomara Mansur

Nietonan Eric Elias Jr. & Frederika Mansur
Christian & Emily Mansur
Alina & Michael-John Nisbet
Bruce C. Ponson Jr.
Nathan & Andreina Ponson
Kayla Ponson
Ruben Mansur III “Bancho” & Joseline “Josie” Mansur
Terrick & Marilinda Mansur
Naira Mansur & Dwight Feliciano
Davina Mansur
Carlo Roberto Jr. “Beto” Mansur
Arturo Mansur

Bisanietonan: Ruben IV, Benjamin, Elisabeth, Eric Elias III, Avalon, Brandon, Aliya, Liam, Vivian, Christian Jr., Landon, Elise, Aryen, Ezra, Martina, Irah-Sofia, Damian, Dillian.

Rumannan: †Alex Sr. & Ola Mansur-van der Naaten
†Jossy & Nuhad Mansur
Sarah Arends-Mansur & †Albert “Boei”
†“Rina” y †Ronald de Cuba-Mansur
†Elias “Don” Mansur
Luis y Magda Mansur
Miguel & Madeline Mansur
†Astrid Arends
Robert “Bob” Arends
†Farida Arends
Gladys Arends
†Jacobo Arends
†Rene Arends

Sobrinonan: Sasha, Lexje, Valeska, Fanja, †Farid, Serge, Gabo, Tino, Jossito, Eduardo, Luis Miguel, Damilice, Dr. Eric, Damia, Elias A., Ronchi, Rachelle, Miguel Jose, Mirzah, Melina, Elias M., Darinka, Darienne, Rene Louis, Gislaine “Thais”, Ramsis, Falon & Daven

Ayudantenan: Gislaine, Odette, Sita, Estanie, Yeison, Arelis, Erika, Liliana, Yvette, Marcela, Fritsner & Edy.

**Famia ta invita tur amigo-, bisiña- y conocirnan pa asisti na acto di entierro cual lo tuma lugar
Diaberna 8 di Mei 2026, di 11 am te cu 3 pm na Pro-Cathedral San Francisco di Asis.
3.30 pm lo hiba defunto Santana Catolico na Oranjestad.**

Pa chica Pos - Habri tuberia y wc.
Servicio lihe y confiabel.

Experiencia ta manda
CICLONE
Septic Tank Service

Tel: 564-0607 / 734-0607

TA FURA
ELMA UPHOLSTERY

Matras, box busca mainta y
hay e atardi! Set di sala, tv
chair, sienta auto.

Tel: 565-5577
Macapruimstraat # 1L

CONSTRUCCION
REMODELACION

Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construcccion di cas
y apto bon prijs. Free quotation.
Tel: 561-2137

PROMASTER

Pa laba tapijt, sofa,
tur matras.
99% desinfecta.
Tel: 582-0383 / 593-3538
Leslie Maduro

JR PLOMERIA Y
CONSTRUCCION VBA

Nos ta haci tur trabao
di plomeria grandi y
chikito. Lavamanos,
wc, lavaplatu y ducha.

Jrplomeriaconstruccion@gmail.com • Sero Blanco 29-E
Tel: 580-3259 • 563-4154 • 563-9130

TA CUMPRÁ

* Holoshi antigua y
moderno.
* Articulonan antigua.
Tel: 744-9995

DIRECTV

Futbol mundial na caminda,
yama awo pa bo DIRECTV.
Bon servicio & bon prijs.
Movies, Sports, News...
Cel: 733-5762.

SUSHI

Nos ta piki sushi tur caminda,
lage limpi limpi mane un
soño. Pa solamente 50,- pa
buelta y Ecotech apart.
Yama nos na 592-5766 of
561-5179. Arubiano trahado.

Chapi, verf, tira sushi
Ecotech, plumbing,
construcccion,
jardineria, mantencion,
handyman.

WHATSAPP: 561-1397

OPORTUNIDAD

Bo mester di **PLACA?**
Ta tempo pa vende bo cas of
tereno. Consejo **GRATIS** cu
JZ Realty. Bini serca nos pa un
coffie of thee na O'stad. Yama
pa un cita: **297-730-0077**

DIARIO

Pa noticia, cumpleaños,
comentario, redaccion:
noticia@diario.aw

Tel: 582-6747

Pabien Cruz Cora Aruba

Awe rond mundo ta conmemora Dia Mundial di Cruz Cora y Mita Luna Cora

ORANJESTAD (AAN) Awe, dia 8 di mei, rond mundo ta conmemora Dia Mundial di Cruz Cora y di e Mita di Luna Cora. Esaki ta un movimiento anual cu ta wordo celebra cada 8 di Mei for di aña 1948 y cu e nomber Cruz Cora for di 1984, te actualidad.

E dia aki a wordo establece pa e Federacion Internacional di Sociedadnan di Cruz Cora y di Mita Luna Cora ("Red Crescent").

Federacion Internacional di Cruz Cora y Mita Luna Cora (IFRC) ta un organizacion humanitario fundado riba dia 5 di mei di aña 1919, tras e Prome Guerra Mundial.

Pomeroy Davison, tabata e Fundador di e Liga di Sociedadnan Nacional di Cruz Cora, y di e Mita Luna Cora, den materia di cooperacion y ayudo.

Henry Pomeroy Davison, tabata presidente di e Comité di Guerra di Cruz Cora Mericano, ken a propone forma gruponan di Sociedadnan nacional. Door di un conferencia medico internacional, convoca pa Davison, unda a participa e Sociedadnan di Cruz Cora di Gran Bretaña, Italia, Japon y Merca, a nace e Liga di Sociedadnan di Cruz Cora, re-batiza na October 1983 como "Liga di Sociedadnan di Cruz Cora y Mita Luna Cora", converti na November 1991 den e Federacion Internacional di Sociedadnan di Cruz Cora y e Mita Luna Cora, manera ta conoci awendia.

Meta principal: E prome obhetivo di e Federacion tabata mehora e estado salud di e ciudadanonan di e paisnan cu tanto a sufrir durante e cuater añanan di guerra. Nan meta tabata fortalece y uni e Sociedadnan di Cruz Cora existente pa trece acerca actividadnan sanitario y promove e creacion di sociedadnan nobo.

Movimiento internacional: E Movimiento Internacional di Cruz Cora y e Mita Luna Cora, ta forma door di tur organizacion relaciona cu Cruz Cora y Mita Luna Cora, manera: (*) E Comité Internacional di Cruz Cora (CICR). (*) E Federacion Internacional di Cruz

Cora y e Mita Luna Cora (IFRC). (*) E Sociedadnan Nacional di Cruz Cora y Mita Luna Cora.

Celebracion: E celebracion anual dia 8 di mei ta di e aniversario di

e nacemento di Henry Dunant, pa honra e fundado di e Comité Internacional di Cruz Cora, y prome ganado di e Premio Nobel di Paz cual prome conmemoracion a

tuma lugar na dia 8 di mei 1948.

Esaki ta un reseña hopi cortico di e historia hopi extenso di Cruz Cora y su trayectoria na beneficio di humanidad, na henter mundo.



FREE ZONE ARUBA (FZA) NV

We are deeply saddened to learn of the passing of **Mr. Ruben Damian Mansur**, beloved father of our valued clients in the Free Zone of Aruba.



On behalf of our entire team, we extend our heartfelt condolences to the Mansur family and all loved ones during this difficult time. May they find strength, comfort, and peace in the cherished memories they shared with him.

Our thoughts and prayers are with the family and friends of Mr. Mansur.

With sincere sympathy,



INVITASHON

Ta invita pueblo di Aruba y tur debotonan di mama Maria Auxiliadora pa asisti novena na honor di nos Mama Maria dia:

Fecha: Diahuebs 14 Mei 2026 te cu 23 Mei 2026
Orario: 6:00pm (nos ta cuminsa prome cu santo rosario y sigi pa e novena)
Lugar: Kapel di Madiki

Dia 24 di Mei 2026 nos lo celebra su fiesta na misa di Kapel di madiki.

Oración

Den Bo nos ta pone nos confianza, den Bo nos nos Fe ta y den Bo nos Speranza Mama Maria Auxiliadora roga pa nos.

DRECHA CAS?

Muraya, cura,
verf, bijbouw etc.

Yama 738-7943
Puntra pa Wester.
Calidad di
construcccion.
Bon, confiable y
responsable.

NEW 7 MAY MOVIES

FIND MOVIE TIMES
THEMOVIESARUBA.com



THE MOVIES
PRINCIPAL RENAISSANCE
A MetaCorp
Subsidiary

GLORIA
renews dining entertainment play
MetaCorp
The oldest company in Aruba



THE SHEEP DETECTIVES



BILLIE EILISH

HIT ME HARD AND SOFT: THE TOUR



IRON MAIDEN

BURNING AMBITION



MORTAL KOMBAT 2

ALSO IN IMAX

Joey Francisco a gradua como Bachelor den Organization, Governance and Management

ORANJESTAD (AAN): Manera DIARIO a raporta anteriormente, recien e estudiante Joey a defende su tesis exitosamente y a obtene e titulo di 'Bachelor of Arts' for di e programa Organization, Governance and Management for di e Facultad di Arte y Ciencia na Universidad di Aruba.

Joey a defende su tesis 'Building the Bridge Between Anti-Doping Perception and Action' dilanti di e comision di graduacion cu tabata consisti di Nurianna Arias, MSc, Niels Wiskerke, MA y Marushka Sarah Lee-Tromp, MSc. Ademas tabata presente manager di e programa OGM, Ahmet Talan, MSc, famia di Joey Francisco, docente di Universidad di Aruba y colega di estudio tambe tabata presente.

Joey Francisco a investiga e efectividad di Aruba su iniciativanan di anti-doping bou di educacion, cumplimento di regla y participation den investigacion segun e percepcion di atleta, personal di sosten pa atleta (ASP) y representante di organizacion deportivo. Un di e recomendacionnan ta



pa introduci educacion tocante anti-doping mas trempa pa e atletanan y adapta esaki a base di cada e necesidadnan di cada grupo di atleta. Otro recomendacion ta pa colabora mas cu Universidad di Aruba y otro instancianan educativo pa desaroya e capacidad di investigacion pa cu anti-doping.

Ta gradici e docentenan di e departamento di OGM y profesional cu a yuda of guia Joey como estudiante. Tambe ta gradici tur esnan na y pafo di Universidad di Aruba cu a contribui na un manera of otro na e acontecimiento aki.

Esnan cu kier haya mas informacion tocante e estudio OGM, bishita e website di Universidad di Aruba na www.ua.aw/ogm pa tur detaye.

Grupo "Nos Tera"
ta invita henter **ARUBA** na su

MERCADO CUNUKERO

Centro di Barrio Playa Pabou

Tur Diasabra

10am te 2pm

CARNE & PISKA	VERDURA	JUICES & DRINKS	SPECIALS & DELICANS
- Carni Cabrito - Carni Porco - Carni Carne - Piska - Webo	- Komkomber - Komkomber Chikito - Lechuga - Bak Choi - Spinazie - Berehein - Tomati Grape - Tomati Plum - Tomati Rondo - Yambo - Bonchi - Malshi - Patia	- Juice di Sosoroca - Juice di Tamarin - Juice di Wortel - Juice di Roobiet - Juice di Spinazie - Juice di Ginger - Juice di Ginger Pineapple - Mango Iced Tea - Strawberry Refresher - Gingershot - Ponche Crema - Iced Latte	- Bolo di Coco - Bolo di Fruta - Bolo di Wortel - Bolo di Banana - Kimchi - Kimchi Hummus - Pickled Radish - Coconut Sweets - The Best Pika! - Honing Artesanal - Papaya Hot Sauce - Red Beet Habanero Hot Sauce

FRESCO LOCAL

SALUD NATURAL

APOYA BO COMUNIDAD

SOSTENIBEL I NATURAL

STOCK DEPEND ON PRODUCTION

MAMA WAK

**3 DAY
SALE EVENT**

**7, 8 & 9
May**



Shop today and get up to

**2 FREE
INSTALLMENTS**

Plus

FREE DELIVERY

for credit customers

**10 %
OFF**

**ON COMMUNICATION
WHEN PURCHASED
ON CREDIT**

**15 %
OFF**

**ON COMPUTERS
WHEN PURCHASED
ON CREDIT**

**20 %
OFF**

**ON AIR CONDITIONERS
WHEN PURCHASED
ON CREDIT**

**20 %
OFF**

SMALL DOMESTIC APPLIANCES

**30 %
OFF**

COOKWARE & DINNERWARE

**30 %
OFF**

HOME DECORATION

CONDITIONS APPLY.



**569-2407
AMC EAGLE MEGASTORE**

**568-9070
AMC SAN NICOLAAS**



Influencer Dimitri a bay duna discurso di motivacion na examenklas di Ceque College MAVO



grandi di idioma Papiamentu, a wordo invita pa pasa duna alumnonan di examenklas di Ceque College MAVO un 'peptalk'.

Esaki den cuadro di e hecho cu examen final a cuminsa, y sigur su empuhe, su puntonan di bista, y experiencia di bida por yuda e hobennan pusha nan mes y persevera den e dianan aki.

Pues el a presenta su 'motivational speech' pa e examenklas, y e hobennan a keda encanta cu tur esaki. Directiva di scol ta gradici Dimitri Angela pa tur loke el a haci, y



na final varios alumno a lag'e pone su firma cu Sharpie riba nan uniform di scol como recuerdo.

